



აკაკი წერეთლის სახელმწიფო
უნივერსიტეტის აკადემიური საბჭო

ACADEMIC BOARD OF AKAKI
TSERETELI STATE UNIVERSITY

თამარ მეფის ქ. № 59
მის: 4600, საქართველო, ქუთაისი

ტელ: (+995 331) 4 21 73 ფაქსი (+995 331) 4 38 33
ელ.ფოსტა atsu@atsu.edu.ge

აკაკი წერეთლის სახელმწიფო უნივერსიტეტი
აკადემიური საბჭო

1 მარტი, 2018

დადგენილება №70(17/18)

**აკაკი წერეთლის სახელმწიფო უნივერსიტეტის ბიოსამედიცინო ინჟინერიის სამაგისტრო
სტუდენტთა გასაფორმებელი ხელშეკრულების ფორმის შესახებ**

დამტკიცებულ იქნას სსიპ აკაკი წერეთლის სახელმწიფო უნივერსიტეტის **მაგისტრატურის**
საფეხურის - **ბიოსამედიცინო ინჟინერიის** საგანმანათლებლო პროგრამის სტუდენტთა
გასაფორმებელი ხელშეკრულების ფორმა თანდართული სახით.

აკადემიური საბჭოს თავმჯდომარე,
უნივერსიტეტის რექტორი:

პროფ. გიორგი ღავთაძე



ხელშეკრულება №

მაგისტრატურაში სწავლების შესახებ

ქ. ქუთაისი

„ - “ „-----“ „201-“ წ.

საჯარო სამართლის იურიდიული პირი - აკაკი წერეთლის სახელმწიფო უნივერსიტეტი (შემდგომში ხელშეკრულების ტექსტის მიხედვით - უნივერსიტეტი), მისი რექტორის, პროფესორ გიორგი ღვთაძის სახით, მოქმედი საჯარო სამართლის იურიდიული პირის - აკაკი წერეთლის სახელმწიფო უნივერსიტეტის წესდების დამტკიცების შესახებ“ საქართველოს განათლებისა და მეცნიერების მინისტრის 2013 წლის 9 სექტემბრის № 132/ნ ბრძანების საფუძველზე, ხოლო მეორე მხრივ ----- (შემდგომში - სტუდენტი), პირადი ნომერი ----- მცხ.: -----, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. უნივერსიტეტი „უმაღლესი განათლების შესახებ“ კანონისა და უნივერსიტეტის წესდებით განსაზღვრული წესით ჩარიცხავს სტუდენტს აკადემიური უმაღლესი განათლების **მაგისტრატურის** საფეხურის - **ბიოსამედიცინო ინჟინერიის** საგანმანათლებლო პროგრამის გასავლელად, რომელიც ითვალისწინებს შესაბამისი საგანმანათლებლო პროგრამის სწავლებას, რაც აუცილებელია დადგენილი კრედიტების რაოდენობის ათვისების შედეგად **მაგისტრის** აკადემიური ხარისხის მინიჭებისათვის და სწავლების შემდგომ საფეხურზე სწავლის გაგრძელებისათვის, ხოლო სტუდენტი აუნაზღაურებს უნივერსიტეტს საგანმანათლებლო პროგრამით სწავლების უნივერსიტეტის მიერ განსაზღვრულ ღირებულებას საქართველოს კანონმდებლობით დადგენილი წესით.

1.2. უნივერსიტეტი ჩარიცხავს სტუდენტს **მედიცინის ფაკულტეტის ბიოსამედიცინო ინჟინერიის** სამაგისტრო პროგრამის

პირველ სემესტრში.

1.3. სტუდენტი უნივერსიტეტში (აწსუ) დაფარავს საგანმანათლებლო პროგრამის **მხოლოდ პირველი სემესტრის სწავლების საფასურს (1125ლარი)**, რადგან უნივერსიტეტი უძღვება ერთობლივი სამაგისტრო პროგრამის განხორციელებას ერთი სემესტრის განმავლობაში.

მუხლი 2. უნივერსიტეტის უფლებები და ვალდებულებები

2.1. უნივერსიტეტი ვალდებულია უზრუნველყოს სტუდენტი ყველა სახის საგანმანათლებლო მომსახურებით **ბიოსამედიცინო ინჟინერიის** საგანმანათლებლო პროგრამის შესაბამისად. თუ აკრედიტირებულ საგანმანათლებლო პროგრამას შეუწყდა სახელმწიფო აკრედიტაცია, ხელშეკრულებით განსაზღვრული პირობები შესრულდება მოქმედი კანონმდებლობის შესაბამისად.

2.2. უნივერსიტეტი უზრუნველყოფს სტუდენტის მიერ საგანმანათლებლო პროგრამის ათვისებაში ხელშეწყობას კანონმდებლობით დადგენილი წესის და სტანდარტების შესაბამისად **მედიცინის ფაკულტეტზე ბიოსამედიცინო ინჟინერიის** სპეციალობით.

2.3. უნივერსიტეტი აწვდის სტუდენტს ყველა სახის ინფორმაციას, რაც დაკავშირებულია სტუდენტის მიერ შესაბამისი საგანმანათლებლო მომსახურების მიღებასთან. უნივერსიტეტი იღებს ვალდებულებას უნივერსიტეტში სტუდენტის საგანმანათლებლო მომსახურების ხარისხზე. გასცემს მასზე შესაბამის დოკუმენტებს, რაც ადასტურებს სტუდენტის ჩარიცხვასა და სწავლებას;

2.4. სტუდენტს, რომელიც საგანმანათლებლო პროგრამის წარმატებით დასრულების შემდეგ დააგროვებს საგანმანათლებლო პროგრამით განსაზღვრული კრედიტების რაოდენობას, მას ენიჭება **მაგისტრის** აკადემიური ხარისხი.

უნივერსიტეტი ვალდებულია მასზე გასცეს მინიჭებული კვალიფიკაციის დამადასტურებელი დოკუმენტი - დიპლომი დანართით.

- 2.5. უნივერსიტეტი სტუდენტს აძლევს საშუალებას ისარგებლოს უნივერსიტეტის ყველა იმ რესურსით, რაც უკავშირდება სასწავლო პროცესს და აუცილებელია შესაბამისი საგანმანათლებლო პროგრამის შედეგების მიღწევისათვის, დადგენილი წესების შესაბამისად.
- 2.6. უნივერსიტეტის უზრუნველყოფს სასწავლო პროცესის წარმართვას დადგენილ ვადებში შესაბამისი პროგრამებითა და სილაბუსებით.
- 2.7. უნივერსიტეტი უფლებამოსილია სტუდენტისგან მოითხოვოს იმ ზიანის ანაზღაურება, რაც გამოწვეული იქნა სტუდენტის ქმედებით.
- 2.8. უნივერსიტეტის უფლებამოსილია შეწყვიტოს ან შეაჩეროს სტუდენტის სტატუსი არსებული კანონმდებლობის შესაბამისად და უნივერსიტეტის მართვის ორგანოების მიერ მიღებული ადმინისტრაციული აქტების საფუძველზე.

მუხლი 3. სტუდენტის უფლებები და ვალდებულებები

- 3.1. სტუდენტი ვალდებულია დაიცვას მოქმედი კანონმდებლობა, უნივერსიტეტის წესდება, წინამდებარე ხელშეკრულება, უნივერსიტეტის შინაგანაწესი, ეთიკის კოდექსი და სხვა შესაბამისი ადმინისტრაციული აქტები, რომლებიც არეგულირებენ უნივერსიტეტში სასწავლო პროცესს. სტუდენტი ვალდებულია შეასრულოს კანონმდებლობით და უნივერსიტეტის მართვის ორგანოების მიერ მიღებული ადმინისტრაციული აქტები, რომლებიც არეგულირებენ სასწავლო პროცესს.
- 3.2. სტუდენტი ვალდებულია სათანადოდ შეასრულოს შესაბამისი საგანმანათლებლო პროგრამისა და ცალკეული სასწავლო კურსის სილაბუსით გათვალისწინებული მოთხოვნები.
- 3.3. სტუდენტი ვალდებულია ყოველსემესტრულად სრულად დაფაროს საგანმანათლებლო პროგრამის სწავლების საფასური, ამ ხელშეკრულებით დადგენილი წესით. (სახელმწიფოსგან თანადაფინანსების შემთხვევაში ეს უკანასკნელი მცირდება თანდართულ სერტიფიკატში ასახული პროცენტის შესაბამისი თანხით).
- 3.4. **სწავლის საფასურის ოდენობა განისაზღვრება არსებული წესის შესაბამისად, სტუდენტი სწავლის საფასურს იხდის იმ დაწესებულების სასარგებლოდ, რომელშიც ხორციელდება პროგრამის შესაბამისი კომპონენტები. საგანმანათლებლო პროგრამის პირველი სემესტრი (30 ECTS კრედიტი) ხორციელდება აკაკი წერეთლის სახელმწიფო უნივერსიტეტში, მეორე სემესტრი (30 ECTS კრედიტი) ხორციელდება თბილისის სახელმწიფო სამედიცინო უნივერსიტეტში, მესამე სემესტრი (30 ECTS კრედიტი) ხორციელდება საქართველოს ტექნიკურ უნივერსიტეტში, მეოთხე სემესტრი (30 ECTS კრედიტი) ეთმობა სამაგისტრო ნაშრომს და იგი შესრულებდა უნივერსიტეტების მიერ შეთავაზებული კვლევების თემატიკიდან გამომდინარე სტუდენტის არჩევანის შესაბამისად.**
- 3.5. სტუდენტი ვალდებულია სწავლის საფასურის გადახდა განახორციელოს სემესტრის დასაწყისში არაუგვიანეს ათი სამუშაო დღის ვადისა.
- 3.6. სტუდენტი ვალდებულია უნივერსიტეტის წინაშე წარმოქმნილი ფინანსური ვალდებულება დაფაროს დროულად და სრულად.
- 3.7. იმ შემთხვევაში, თუ სტუდენტმა საგანმანათლებლო პროგრამა ვერ აითვისა შესაბამისი კანონმდებლობით დადგენილ ვადაში, იგი ვალდებულია გადაიხადოს სწავლის საფასური შესაბამის სასწავლო წელს შესაბამისი საგანმანათლებლო პროგრამისათვის განსაზღვრული ოდენობით, აკადემიური დავალიანების მოცულობის ფარგლებში.
- 3.8. სწავლის საფასური გადაიხდება უნაღდო ანგარიშსწორებით საბანკო დაწესებულების მეშვეობით. მოთხოვნის შემთხვევაში, სტუდენტი ვალდებულია სწავლის საფასურის გადახდის ქვითარი წარმოადგინოს უნივერსიტეტში.
- 3.9. სტუდენტი ასრულებს **ბიოსამედიცინო ინჟინერიის** საგანმანათლებლო პროგრამას სწავლების საკრედიტო სისტემის გამოყენებით და ვალდებულია ისწავლოს ყველა ის საგანი, რომლებიც საკუთარი სურვილით აირჩია და რომელთა სწავლებაც სავალდებულოა. სწავლის პერიოდში, სტუდენტი ვალდებულია დააგროვოს თითოეული საგნისათვის დადგენილი კრედიტების რაოდენობა, რომელთა ჯამი სემესტრში 30-ის ტოლია. სტუდენტს აქვს უფლება სასწავლო წლის განმავლობაში დამატებით აითვისოს 15 კრედიტი.

3.10. სტუდენტთან, სტუდენტის სტატუსთან (მათ შორის, უნივერსიტეტთან აკადემიური ურთიერთობის შეჩერება/შეწყვეტა) დაკავშირებული ყველა საკითხი წყდება „უმაღლესი განათლების შესახებ“ საქართველოს კანონიდან გამომდინარე, უნივერსიტეტში დადგენილი წესის შესაბამისად.

3.11. სტუდენტი, რომელიც კანონმდებლობის წესით დადგენილ ვადაში ვერ აითვისებს საგანმანათლებლო პროგრამით გათვალისწინებულ კრედიტებს მისთვის სხვა პირობები განისაზღვრება უნივერსიტეტის რექტორის № 01-04/52 02.09.2016 წ. (აწსუ სტუდენტების მიერ განსხვავებული და/ან დავალიანებაში დარჩენილი კრედიტების ათვისების წესის, პირობების და ფინანსური ვალდებულების შესრულების შესახებ) ბრძანებით.

4. ხელშეკრულების მოქმედების ვადა

4.1. ხელშეკრულების მოქმედების ვადა განისაზღვრება 2 წლით. ხელშეკრულება ძალაში შედის სტუდენტის ბიოსამედიცინო ინჟინერიის პროგრამაზე ჩარიცხვის ბრძანების გაფორმების დღიდან.

5. ხელშეკრულების ვადამდე შეწყვეტის პირობები

5.1. ხელშეკრულება ვადამდე შეიძლება შეწყდეს ერთ ერთი მხარის მიერ ხელშეკრულებით ნაკისრი ვალდებულებების შეუსრულებლობის ან არასათანადო შესრულების მიზეზით, რითაც დაირღვა ხელშეკრულებით გათვალისწინებული პირობები.

5.2. სტუდენტის ინიციატივით ან მის მიერ ამ ხელშეკრულებით ნაკისრი ვალდებულებების შეუსრულებლობის ან არასათანადო შესრულების გამო ხელშეკრულების ვადამდე შეწყვეტის შემთხვევაში, მას გადახდილი სწავლის საფასური არ უბრუნდება.

5.3. ხელშეკრულებით ნაკისრი ვალდებულებების შეუსრულებლობის გამო მხარეთა შორის წარმოშობილი დავა წყდება საქართველოს კანონმდებლობით დადგენილი წესით.

6. დამატებითი პირობები

6.1. წინამდებარე ხელშეკრულება შედგენილია ორ ეგზემპლარად. ორივე ეგზემპლარს გააჩნია თანაბარი იურიდიული ძალა. ერთი ინახება უნივერსიტეტში, ხოლო მეორე გადაეცემა სტუდენტს.

6.2. წინამდებარე ხელშეკრულების პირობების შეცვლა და/ან დამატება ფორმდება წერილობითი შეთანხმებით და წარმოადგენს ამ ხელშეკრულების განუყოფელ ნაწილს.

6.3. წინამდებარე ხელშეკრულების პირობების შეცვლა და/ან დამატება, რომლის აუცილებლობაც გამომდინარეობს მოქმედ კანონმდებლობაში განხორციელებული ცვლილებიდან არ საჭიროებს მხარეთა შორის წერილობით შეთანხმებას და მხარეთა შორის ურთიერთობები რეგულირდება კანონმდებლობაში განხორციელებული ცვლილებებით დადგენილი ნორმებით.

7. მხარეთა რეკვიზიტები და ხელმოწერები

აკაკი წერეთლის სახელმწიფო უნივერსიტეტი
იურიდიული მისამართი: ქუთაისი, თამარ მეფის 59
საბანკო რეკვიზიტები: აკაკი წერეთლის სახელმწიფო უნივერსიტეტი
მიმღების ბანკი - სახელმწიფო ხაზინა
მიმღების დასახელება - ხაზინის ერთიანი ანგარიში
ბანკის კოდი - TRESGE22
მიმღების ანგარიში/სახაზინო კოდი - 709057289
აკაკი წერეთლის სახელმწიფო უნივერსიტეტის
რექტორი, პროფესორი გ. ლავთაძე

(ხელმოწერა)

ბ.ა.

(ხელმოწერა)

სტუდენტი: